



ТӨРИЙН МЭДЭЭЛЭЛ

№ 4 (385)

МОНГОЛ УЛСЫН ИХ ХУРЛЫН ТОГТООЛ

- *Үндсэн хуулийн цэцийн гишүүнийг томилох тухай*
- *Засгийн газраас үнэт цаас гаргахыг зөвшөөрөх тухай*

МОНГОЛ УЛСЫН ЗАСГИЙН ГАЗРЫН ТОГТООЛ

- *Эрүүл мэндийн даатгалын 2005 оны шимтгэлийн хэмжээг тогтоох тухай*
- *Засгийн газрын агентлаг байгуулах тухай*

Улсын Их Хурлын Тамгын газар

Улаанбаатар хот

2005 он



ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

Долоо хоног тутмын

Улаанбаатар хот

2005 оны нэгдүгээр сарын 28

№4 (385)

Гарчиг

Нэг. МОНГОЛ УЛСЫН ИХ ХУРЛЫН ТОГТООЛ

512.	Үндсэн хуулийн цэцийн гишүүнийг томилох тухай	Дугаар 05	82
513.	Монгол Улсын Их Хурлын дэд даргын үүрэгт ажлаас чөлөөлөх тухай	Дугаар 06	82
514.	Засгийн газраас үнэт цаас гаргахыг зөвшөөрөх тухай	Дугаар 07	82
515.	Тогтоолд өөрчлөлт оруулах тухай	Дугаар 08	83

Хоёр. МОНГОЛ УЛСЫН ЕРӨНХИЙЛӨГЧИЙН ЗАРЛИГ

516.	Ш. Төмөрбаатарыг Ерөнхий шүүгчийн албан тушаалд улируулан томилох тухай	Дугаар 03	83
------	--	-----------	----

Гурав. МОНГОЛ УЛСЫН ЗАСГИЙН ГАЗРЫН ТОГТООЛ

517.	Эрүүл мэндийн даатгалын 2005 оны шимтгэлийн хэмжээг тогтоох тухай	Дугаар 246	83
518.	Гадаад хэргийн яамны үйл ажиллагааны стратег, бүтцийн өөрчлөлтийн хөтөлбөрийг зөвшөөрч, зохион байгуулалтын бүтцийг батлах тухай	Дугаар 248	84
519.	Засгийн газрын агентлаг байгуулах тухай	Дугаар 249	91
520.	Тогтоол хүчингүй болгох тухай	Дугаар 250	92



МОНГОЛ УЛСЫН ИХ ХУРЛЫН ТОГТООЛ

2005 оны 1 дүгээр сарын 20-ны өдөр

Дугаар 05

Улаанбаатар хот

Үндсэн хуулийн цэцийн гишүүнийг томилох тухай

Монгол Улсын Үндсэн хуулийн жаран тавдугаар зүйлийн 1,2 дахь хэсэг, Үндсэн хуулийн цэцийн тухай хуулийн 3 дугаар зүйлийн 1 дэх хэсэг, 4 дүгээр зүйлийн 1 дэх хэсэг, санал хураалтын дүнг үндэслэн Монгол Улсын Их Хурлаас ТОГТООХ нь:

2. Энэ тогтоолыг 2005 оны 1 дүгээр сарын 20-ны өдрөөс эхлэн дагаж мөрдсүгэй.

1. Монгол Улсын Ерөнхийлөгчийн санал болгосноор Даваасүрэнгийн Наранчимэгийг Үндсэн хуулийн цэцийн гишүүнээр томилсугай.

МОНГОЛ УЛСЫН ИХ ХУРЛЫН

ДЭД ДАРГА Д. ЛҮНДЭЭЖАНЦАН

МОНГОЛ УЛСЫН ИХ ХУРЛЫН ТОГТООЛ

2005 оны 1 дүгээр сарын 20-ны өдөр

Дугаар 06

Улаанбаатар хот

Монгол Улсын Их Хурлын дэд даргын үүрэгт ажлаас чөлөөлөх тухай

Монгол Улсын Их Хурлын тухай хуулийн 21 дүгээр зүйлийн 8 дахь хэсэгт заасны дагуу "Эх-орон-Ардчилал" эвсэл дэх намууд эвслээ цуцалж Улсын Их Хурал дахь эвслийн бүлгийн үйл ажиллагаа дуусгавар болсон тул Монгол Улсын Үндсэн хуулийн хорин дөрөвдүгээр зүйлийн 2 дахь хэсэг, өөрийнх нь гаргасан хүсэлтийг тус тус үндэслэн Монгол Улсын Их Хурлаас ТОГТООХ нь:

2. Энэ тогтоолыг 2005 оны 1 дүгээр сарын 20-ны өдрөөс эхлэн дагаж мөрдөнө.

1. Улсын Их Хурлын гишүүн Санжаасүрэнгийн Оюуныг Монгол Улсын Их Хурлын дэд даргын үүрэгт ажлаас чөлөөлсүгэй.

МОНГОЛ УЛСЫН ИХ ХУРЛЫН

ДЭД ДАРГА Д. ЛҮНДЭЭЖАНЦАН

МОНГОЛ УЛСЫН ИХ ХУРЛЫН ТОГТООЛ

2005 оны 1 дүгээр сарын 20-ны өдөр

Дугаар 07

Улаанбаатар хот

Засгийн газраас үнэт цаас гаргахыг зөвшөөрөх тухай

Үнэт цаасны зах зээлийн тухай хуулийн 4.2-ыг үндэслэн Монгол Улсын Их Хурлаас ТОГТООХ нь:

Засгийн газар /Ц. Элбэгдорж/-т зөвшөөрсүгэй.

Эдийн засаг дахь сул чөлөөтэй мөнгөн хөрөнгийг эргэлтэд оруулах замаар мөнгөний нийлүүлэлтийг зохицуулах, улирлын чанартай мөнгөн хөрөнгийн дутагдлыг нөхөх зорилгоор 2005 оны тесайн жилд 80.0 хүртэлх тэрбум тэгрэгийн үнэт цаас гаргаж, нийтэд санал болгон худалдахыг

МОНГОЛ УЛСЫН ИХ ХУРЛЫН

ДЭД ДАРГА Д. ЛҮНДЭЭЖАНЦАН



МОНГОЛ УЛСЫН ИХ ХУРЛЫН ТОГТООЛ

2005 оны 1 дүгээр сарын 20-ны өдөр

Дугаар 08

Улаанбаатар хот

Тогтоолд өөрчлөлт оруулах тухай

Олон Улсын Валютын Сантай хамтран хэрэгжүүлж байгаа "Ядуурлыг бууруулах, өсөлтийг хангах" хөтөлбөрийн хэрэгжилтийг хангах зорилгоор Монгол Улсын Их Хурлаас ТОГТООХ нь:

ам. долларыг жилийн 1 хувийн хүүтэйгээр" гэж өөрчилсүгэй.

Монгол Улсын Их Хурлын 2003 оны 57 дугаар тогтоолын 2 дахь заалтын "100.0 сая ам.долларыг тус тус хүүгүйгээр" гэснийг "100.0 сая

**МОНГОЛ УЛСЫН
ИХ ХУРЛЫН
ДЭД ДАРГА**

Д. ЛҮНДЭЭЖАНЦАН

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2005 оны 1 дүгээр сарын 18-ны өдөр

Дугаар 03

Улаанбаатар хот

Ш. Төмөрбаатарыг Ерөнхий шүүгчийн албан тушаалд улируулан томилох тухай

"Монгол Улсын Ерөнхийлөгчийн тухай" хуулийн 12 дугаар зүйлийн 16, "Шүүхийн тухай" хуулийн 32 дугаар зүйлийн 4,6 дахь заалтуудыг тус тус баримтлан, Шүүхийн ерөнхий зөвлөлийн саналыг үндэслэн ЗАРЛИГ болгох нь:

аймгийн шүүхийн ерөнхий шүүгчийн албан тушаалд улируулан томилсугай.

Шагдаргомбын Төмөрбаатарыг Дундговь

**МОНГОЛ УЛСЫН
ЕРӨНХИЙЛӨГЧ**

Н. БАГАБАНДИ

МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 12 дугаар сарын 29-ний өдөр

Дугаар 246

Улаанбаатар хот

Эрүүл мэндийн даатгалын 2005 оны шимтгэлийн хэмжээг тогтоох тухай

Иргэний эрүүл мэндийн даатгалын тухай хуулийн 8.1.1-д завсныг үндэслэн Монгол Улсын Засгийн газраас ТОГТООХ нь:

2005 оны 1 дүгээр сарын 1-ний өдрөөс эхлэн хүчингүй болсонд тооцсугай.

1. 2005 онд аж ахуйн нэгж, байгууллагын ажилтны төлөх эрүүл мэндийн даатгалын шимтгэлийн сар тутмын хэмжээг түүний хөдөлмөрийн хөлс болон түүнтэй адилтгах орлогын 6 хувь байхаар тогтоосугай.

**МОНГОЛ УЛСЫН
ЕРӨНХИЙ САЙД**

Ц.ЭЛБЭГДОРЖ

2. Энэ тогтоол гарсантай холбогдуулан "Эрүүл мэндийн даатгалын 2004 оны шимтгэлийн хэмжээг тогтоох тухай" Засгийн газрын 2003 оны 12 дугаар сарын 24-ний өдрийн 269 дүгээр тогтоолыг

**ЭРҮҮЛ МЭНДИЙН
САЙД**

Т.ГАНДИ

САНГИЙН САЙД

Н.АЛТАНХУЯГ

МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 12 дугаар сарын 29-ний өдөр

Дугаар 248

Улаанбаатар хот

Гадаад хэргийн яамны үйл ажиллагааны стратеги, бүтцийн өөрчлөлтийн хөтөлбөрийг зөвшөөрч, зохион байгуулалтын бүтцийг батлах тухай

7/Гэрээ, эрх зүйн газар;

8/Консулын газар;

9/Төрийн захиргааны удирдлагын газар (хүний нөөцийн хэлтэс, мэдээллийн сүлжээний тасагтай);

10/Ёслолын хэлтэс;

11/Гадаад хэргийн төв архив.

Засгийн газрын тухай хуулийн 12 дугаар зүйлийн 4 дэх хэсэг, 24 дүгээр зүйлийн 1 дэх хэсгийн 4 дэх заалт, Яамны эрх зүйн байдлын тухай хуулийн 10.1-ийг үндэслэн Монгол Улсын Засгийн газраас ТОГТООХ нь:

1. Гадаад хэргийн яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийг хавсралт ёсоор зөвшөөрсүгэй.

2. Гадаад хэргийн яамны зохион байгуулалтын бүтцийг дор дурдсанаар баталсугай:

1/Бодлого төлөвлөлт, мэдээлэл, үнэлгээний газар (хэвлэл мэдээллийн хэлтэстэй);

2/Хөрш орнуудын газар;

3/Азийн газар;

газар; 4/Америк, Ойрхи дорнод, Африкийн

газар; 5/Европын газар;

газар; 6/Олон талт хамтын ажиллагааны

3. Гадаад хэргийн яамны орон тооны хязгаарыг 102 хүнээр, зардлын төсвийн хязгаарыг 867359.3 (найман зуун жаран долоон сая гурван зуун тавин есөн мянга гурван зуун) мянган төгрөгөөр, үүний дотор цалингийн сангийн хязгаарыг 173364.6 (нэг зуун далан гурван сая гурван зуун жаран дөрвөн мянга зургаан зуун) мянган төгрөгөөр тогтоосугай.

МОНГОЛ УЛСЫН
ЕРӨНХИЙ САЙД

Ц.ЭЛБЭГДОРЖ

ГАДААД ХЭРГИЙН
САЙД

Ц.МӨНХ-ОРГИЛ

Засгийн газрын 2004 оны 248 дугаар тогтоолын хавсралт

ГАДААД ХЭРГИЙН ЯАМНЫ ҮЙЛ АЖИЛЛАГААНЫ СТРАТЕГИ, ЗОХИОН БАЙГУУЛАЛТЫН БҮТЦИЙН ӨӨРЧЛӨЛТИЙН ХӨТӨЛБӨР

1. Нийтлэг үндэслэл

1.1. Оршил

Гадаад хэргийн яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөр (цаашид "хөтөлбөр" гэх)–т Гадаад хэргийн сайдын болон Засгийн газрын Танхимын шийдвэрийг боловсруулах, хэрэгжүүлэхэд дэмжлэг үзүүлэхэд чиглэсэн гадаад харилцааны стратегийн төлөвлөлт, бодлогын удирдамж, төрийн захиргааны удирдлага, зохицуулалтаар хангах, бодлогын хэрэгжилтэд хяналт тавих, шинжилгээ хийх, үр дүнг тооцох, үнэлгээ өгөх, гадаад харилцааны мэдээлэл,

сурталчилгаа, консулын үйлчилгээг эрхлэн явуулах, хилийн чанадад байгаа Монгол Улсын иргэдийн хууль ёсны эрх ашиг, бизнесийн ашиг сонирхлыг хамгаалахтай холбогдсон асуудлыг хамарсан Гадаад хэргийн яамны үйл ажиллагааны стратеги, бүтцийн загварыг тодорхойлов.

1.2. Үндэслэл

Хөтөлбөрийг Улсын Их Хурлын 1996 оны 38 дугаар тогтоолоор зөвшөөрсөн "Монгол Улсын төрөөс Засгийн газрын үйл ажиллагааны чиглэл, бүтцийн ерөнхий тогтолцооны өөрчлөлт, шинэчлэлийн талаар баримтлах бодлого"-ын бэргимт бичиг, Засгийн газрын бүтцийн тухай хууль, Яамны

эрх зүйн байдлын тухай хуулийг үндэслэн боловсруулав.

1.3. Хууль тогтоомжийн орчин

Хөтөлбөрийг дор дурдсан хууль тогтоомжийн хүрээнд хэрэгжүүлнэ:

- Монгол Улсын Үндсэн хууль;
- Засгийн газрын тухай хууль;
- Засгийн газрын бүтцийн тухай хууль;
- Төсвийн байгууллагын удирдлага, санхүүжилтийн тухай хууль;
- Яамны эрх зүйн байдлын тухай хууль;
- Төрийн албаны тухай хууль;
- Дипломат албаны тухай хууль;
- Монгол Улсын нэгдсэн төсвийн тухай хууль;
- Хөдөлмөрийн тухай хууль;
- Засаг захиргаа, нутаг дэвсгэрийн нэгж, түүний удирдлагын тухай хууль;
- Үндэсний аюулгүй байдлын үзэл баримтлал;
- Монгол Улсын Гадаад бодлогын үзэл баримтлал;
- Бусад хууль тогтоомж.

1.4. Арга зүй

Хөтөлбөрийг боловсруулахад гадаад харилцааны салбарт хуримтлагдсан түүхэн туршлага, олон улсын жишиг, гадаад орчны өөрчлөлт, төрийн захиргааны шинэчлэлийн удирдлага, үйл ажиллагааны онцлог, төлөвлөлт, зохицуулалтын арга зүйг ашиглав.

1.5. Чиг үүргийн байгууллагын үүрэг хариуцлагын ерөнхий хуваарь

Гадаад хэргийн яам нь Засгийн газрын үйл ажиллагааны стратегийг хэрэгжүүлэх талаар гадаад харилцааны хүрээнд дээр дурдсан чиглэлээр үүрэг хариуцлага хүлээж, Гадаад хэргийн сайд, Засгийн газрын Танхимд бүх талын зөвлөгөө, дэмжлэг үзүүлнэ. ГХЯ нь гадаад харилцааны салбарын бодлого, төлөвлөлт болон төсвийн зарцуулалтын тэнцвэр, харилцан уялдаа холбоог хангах асуудалд хууль тогтоомжийн хүрээнд идэвх санаачилгатай оролцож, зөв зохистой удирдахад анхаарлаа төвлөрүүлнэ. Гадаад хэргийн яам эрхэлсэн асуудлын чиглэлээр Засгийн газрын зөвлөхийн үүрэг хүлээнэ.

1.6. Стратегийн удирдлага, зохицуулалтын хэрэгцээний эх үүсвэр

Гадаад хэргийн яамны стратегийн удирдлага, зохицуулалтын хэрэгцээний эх үүсвэр, ялангуяа үндсэн үйлчлүүлэгч буюу хэрэглэгчийг оновчтой, бүрэн тодорхойлох нь яамны үйл ажиллагааны стратегийг тогтооход чухал ач холбогдолтой.

Энэ хэрэгцээний эх үүсвэрт дор дурдсан үйлчлүүлэгч буюу хэрэглэгч хамаарна:

Гадаад хэргийн яамны стратегийн удирдлага, зохицуулалтын хэрэгцээний эх үүсвэр



Гадаад хэргийн яамны үндсэн үйлчлүүлэгч буюу хэрэглэгч нь Засгийн газрын Танхим, Гадаад хэргийн сайд, дэд сайд, яамны Төрийн нарийн бичгийн дарга байх бөгөөд шууд бус үйлчлүүлэгч нь нийт байгууллага, иргэд болно. Гадаад хэргийн яамны стратегийн удирдлага, зохицуулалт нь дээр дурдсан хэрэгцээний эх үүсвэр, үндсэн үйлчлүүлэгч буюу хэрэглэгчийн эрэлт хэрэгцээг хангахтай холбогдон үүсэх олон төрлийн харилцааг зохицуулахад чиглэнэ. Гадаад хэргийн яамны стратегийн удирдлага, зохицуулалтын хэрэгцээг хангах үйлчилгээний хүрээ, төрөл, хэлбэрийг хэрэгцээний эх үүсвэр тус бүрээр тогтоон яамны зохион байгуулалтын бүтцийн нэгжүүдийн зорилт, чиг үүрэг, төрийн албан хаагчдын ажлын байр (албан тушаал)-ны тодорхойлолтод нарийвчлан тусгаж хэрэгжүүлнэ.

2. Гадаад хэргийн яамны үйл ажиллагааны стратеги

2.1. Үйл ажиллагааны стратегийн мөн чанар

Гадаад хэргийн яамны үйл ажиллагааны стратегийн мөн чанар нь Засгийн газрын үйл ажиллагааны хөтөлбөр, тэргүүлэх чиглэл, гадаад харилцаа, хамтын ажиллагааны хүрээний зорилт, чиг үүргийг хэрэгжүүлэхэд чиглэсэн Гадаад хэргийн сайдын үйл ажиллагаанд өндөр мэргэшлийн, цаг үеэ олсон, шуурхай зөвлөлгөө, бүх талын дэмжлэг үзүүлэхэд оршино.

2.2. Үйл ажиллагааны стратегийн гадаад орчин

Олон улсын харилцаанд гарч буй шинэ чиг хандлагууд нь Монгол Улсын гадаад орчинд урт хугацаанд нөлөөлж, төрийн гадаад бодлогыг тодорхойлоход зайлшгүй харгалзан үзэх хүчин зүйл болж байна. Даяаршлын үйл явц гүнзгийрэн, улс орнуудын харилцан хамаарал нэмэгдэж байгаа нь Монгол Улсыг ч хамран, түүний гадаад орчинг тодорхойлох нэгэн чухал хүчин зүйл болж байна. Мэдээлэл, харилцаа холбооны технологи асар түргэн хөгжихийн хэрээр гадаад харилцааны субъектүүдийн хүрээ өргөжин тэлж байна. Аюулгүй байдлын уламжлалт утга өөрчлөгдөн, хүний аюулгүй байдлын үзэл баримтлал өргөн дэмжлэг хүлээж, улам олон салбар хүрээг хамрах болж, терроризмын уламжлалт бус аюул, занал дэлхийн, бүс нутгийн болон улс орнуудын анхаарлын төвд гарч ирэв. Эдгээр үйл явцын өрнөлтөд Монгол Улсыг зохистой хэлбэрээр хамруулах, улс орны

аюулгүй байдлыг хангах, үндэсний хөгжлийн таатай гадаад орчинг бүрдүүлэх зорилгын хүрээнд бодлого боловсруулан хэрэгжүүлэх, гадаад харилцааны субъектүүдийн үйл ажиллагааны нэгдмэл байдлыг хангах зэрэг зорилтууд Гадаад хэргийн яамны өмнө тулгараад байна. Стратегийн гадаад орчныг зөв тодорхойлох нь тус яамны үйл ажиллагааны эрхэм зорилго, стратегийн зорилтуудыг хэрэгжүүлэхэд чухал ач холбогдолтой.

2.3. Үйл ажиллагааны эрхэм зорилго

Гадаад хэргийн яамны эрхэм зорилго нь Монгол Улсын аюулгүй байдал, үндэсний хөгжилд олон улсын таатай гадаад орчинг бүрдүүлэхэд оршино.

Энэ эрхэм зорилгыг биелүүлэхдээ Монгол Улсын гадаад харилцааг Үндэсний аюулгүй байдлын үзэл баримтлал, Гадаад бодлогын үзэл баримтлалд тодорхойлсон зарчим, чиглэлийг улс орны болон дэлхий дахины шинэ нөхцөл байдалтай уялдуулан тууштай хэрэгжүүлж, үндэсний язгуур эрх ашиг, тогтвортой хөгжлийн зорилгод нийцсэн бие даасан, нээлттэй, олон тулгуурт гадаад бодлогыг идэвхтэй явуулах, гадаад бодлогын залгамж чанар, нэгдмэл байдлыг эрхэмлэж, Монгол Улсын тусгаар тогтнол, бүрэн эрхт байдал, олон улсын хамтын нийгэмлэгт эзлэх байр суурийг бэхжүүлэх үйл ажиллагааг тууштай үргэлжлүүлэх зорилтуудыг удирдлага болгоно.

2.4. Үйл ажиллагааны тэргүүлэх чиглэл

Гадаад хэргийн яам нь дор дурдсан үйл ажиллагааны тэргүүлэх чиглэлтэй ажиллана:

2.4.1. Монгол Улсын аюулгүй байдлыг хангах таатай гадаад орчныг бүрдүүлэх;

2.4.2. Монгол Улсын үндэсний хөгжлийг хангах таатай гадаад орчныг бүрдүүлэх;

2.4.3. Монгол Улсын иргэдийн эрх ашиг, бизнесийн ашиг сонирхлыг хилийн чанадад хамгаалах.

2.5. Үйл ажиллагааны стратегийн зорилт

Гадаад хэргийн яам нь эрхэм зорилго, тэргүүлэх чиглэлийн хүрээнд үйл ажиллагааны стратегийн дор дурдсан зорилтуудыг дэвшүүлж хэрэгжүүлнэ:

2.5.1. Гадаад бодлогын стратегийн төлөвлөлт, бодлогын удирдамжаар хангах;

2.5.2. Төрийн захиргааны удирдлагын манлайллыг хангах;

2.5.3. Гадаад бодлогын хэрэгжилтийг нэгдсэн зохицуулалтаар хангах;

2.5.4. Гадаад бодлогын хэрэгжилтэд хяналт тавих, дүн шинжилгээ хийх, үнэлгээ өгөх.

2.6. Үйл ажиллагааны гол зорилт

Гадаад хэргийн яамны үйл ажиллагааны стратегийн зорилт тус бүрийн хүрээнд тэдгээрийг хэрэгжүүлэхэд чиглэсэн дор дурдсан үйл ажиллагааны гол зорилтыг хэрэгжүүлнэ:

2.6.1. Үйл ажиллагааны стратегийн 1 дүгээр зорилтын хүрээнд:

2.6.1.1. Гадаад бодлогын урт, дунд, богино хугацааны стратегийг төлөвлөх;

2.6.1.2. Гадаад бодлогын холбогдох гэрээ, хэлэлцээр, төлөвлөгөө, хөтөлбөр, төсөл боловсруулах;

2.6.1.3. Гадаад бодлогын хэрэгжилтийг удирдамжаар хангах, зохицуулалт хийх;

2.6.1.4. Гадаад бодлогын хэрэгжилтийг сурталчлах, хэвлэл, мэдээлэл, олон нийттэй харилцах.

2.6.2. Үйл ажиллагааны стратегийн 2 дугаар зорилтын хүрээнд:

2.6.2.1. Төрийн захиргааны удирдлагыг боловсронгуй болгох;

2.6.2.2. Хүний нөөцийн удирдлагыг боловсронгуй болгох;

2.6.2.3. Гадаад хэргийн сайдаас гаргах шийдвэрт бүх талын дэмжлэг үзүүлэх;

2.6.2.4. Яам, системийн байгууллагын үйл

ажиллагааны үр дүн, үр ашгийг дээшлүүлэх.

2.6.3. Үйл ажиллагааны стратегийн 3 дугаар зорилтын хүрээнд:

2.6.3.1. Хоёр талын харилцааны бодлогыг хэрэгжүүлэх, зохицуулах;

2.6.3.2. Олон талт хамтын ажиллагааны бодлогыг хэрэгжүүлэх, зохицуулах;

2.6.3.3. Олон улсын хууль, эрх зүйн бодлогыг хэрэгжүүлэх, зохицуулах;

2.6.3.4. Консулын бодлогыг хэрэгжүүлэх, зохицуулах;

2.6.3.5. Дипломат ёслолын бодлогыг хэрэгжүүлэх, зохицуулах;

2.6.3.6. Гадаад хэргийн төв архивын бодлогыг хэрэгжүүлэх, зохицуулах.

2.6.4. Үйл ажиллагааны стратегийн 4 дүгээр зорилтын хүрээнд:

2.6.4.1. Засгийн газрын үйл ажиллагааны хөтөлбөрт Гадаад хэргийн сайд хариуцах арга тусгагдсан арга хэмжээний хэрэгжилтийн явцад хяналт-шинжилгээ хийж, биелэлтийг хангуулах арга хэмжээ авах;

2.6.4.2. Гадаад харилцааны бодлого, хууль тогтоомж, хөтөлбөр, төсөл, төлөвлөгөөний хэрэгжилтэд хяналт тавих, түүнд дүн шинжилгээ хийх, үнэлгээ өгөх, санал үндэслэл боловсруулах.


2.7. Үйл ажиллагааны зорилт

Гадаад хэргийн яамны үйл ажиллагааны гол зорилтын хүрээнд түүнийг хэрэгжүүлэхэд чиглэсэн тус яамны нэгжүүдийн үйл ажиллагааны үндсэн чиглэл, хариуцах асуудлын хуваарийг тодорхойлж хэрэгжүүлнэ.

2.8. Үйл ажиллагааны стратегийн загвар

Гадаад хэргийн яамны үйл ажиллагаа (бизнес)-ны стратегийн загварыг дор дурдсанаар тодорхойлж байна:

ГАДААД ХЭРГИЙН ЯАМНЫ ҮЙЛ АЖИЛЛАГААНЫ СТРАТЕГИЙН ЗАГВАР



3. Гадаад хэргийн яамны үйл ажиллагааны бүтцийн ерөнхий тогтолцоо, санал болгож буй зохион байгуулалтын бүтэц, тэдгээрийн үндсэн үүрэг, чиг үүрэг

3.1. Бүтцийн ерөнхий тогтолцоо боловсруулахад баримтлах зарчим

Гадаад хэргийн яамны үйл ажиллагааны бүтцийн ерөнхий тогтолцоо, санал болгож буй зохион байгуулалтын бүтцийг боловсруулахад дор дурдсан зарчмыг баримтлав:

3.1.1. Засгийн газрын үйл ажиллагааны стратегитай уялдуулсан байх зарчим;

3.1.2. Эрх мэдлийн ялгаа, зааг тодорхой, итгэл хүлээхүйц байх зарчим;

3.1.3. Үзэгдэхүйц үйлчилгээний болон стратегийн удирдлагын баримжаатай байх зарчим;

3.1.4. Бүтцийн хувьд энгийн байх зарчим;

3.1.5. Тэнцвэрийг хангах, хяналтын хүрээг тогтоох зарчим;

3.1.6. Улс төрийн нөлөөллөөс ангид байх зарчим;

3.1.7. Хангалттай чадавхи, бодитой үйл ажиллагааны зарчим.

3.2. Зохион байгуулалтын бүтэц

Гадаад хэргийн яамны үйл ажиллагаа (бизнес)-ны стратегийн загвараас дор дурдсан зохион байгуулалтын бүтцийн нэгж урган гарч байна. Үүнд:

3.2.1. Стратегийн бодлого төлөвлөлт, мэдээлэл, хяналт-шинжилгээ, үнэлгээний асуудал эрхэлсэн зохион байгуулалтын нэгж, түүний үндсэн үүрэг, чиг үүрэг

Энэ нэгж нь үйл ажиллагааны стратегийн 1, 4 дүгээр зорилтын хүрээнд Гадаад хэргийн сайдын эрхлэх асуудлын хүрээний стратегийн бодлого, байр суурь, төлөвлөгөө, хөтөлбөр, бусад холбогдох баримт бичгийг боловсруулах, гадаад бодлогын хэрэгжилтэд хяналт тавих, Засгийн газрын үйл ажиллагааны хөтөлбөрт тусгагдсан Гадаад хэргийн сайдын эрхлэх асуудлын хүрээний зорилт, үйл ажиллагааны хэрэгжилтэд хяналт тавих үндсэн чиг үүргийг хүлээж, гадаад бодлогын урт, дунд, богино хугацааны стратегийн төлөвлөлт, бодлогын удирдамжаар хангах, хэвлэл мэдээллийн үйл ажиллагааг зохион байгуулах, олон нийттэй харилцах зэрэг чиг үүргийг хэрэгжүүлнэ.

Энэ нэгжийн үйл ажиллагаа нь Засгийн газрын Танхим, Гадаад хэргийн сайд, дэд сайдын үйл ажиллагааны үр дүнг дээшлүүлэхэд чиглэгдэж, төр, засгийн удирдлагаас бүс нутгийн боломж олсон тулгамдсан асуудлаар Монгол Улсыг байр суурийг тодорхойлоход шаардлагатай, цг үгэ олсон, соргог мэдрэмж бүхий өндөр мэргэлийн шуурхай зөвлөлгөө, шаардлагатай үдэ мэдээлэл, үйлчилгээ, бүх талын дэмжлэгээр хангах замаар хэрэгжинэ.

Мөн энэ нэгж нь гадаад бодлогын хэрэгжилтийн мэдээллийн сан бүрдүүлэх, төрөлөөн нийтийг гадаад бодлогын хэрэгжилтийн талархи мэдээллээр хангах чиг үүргийг хэрэгжүүлнэ

3.2.2. Хоёр талын харилцаа, хайтын ажиллагаа эрхэлсэн зохион байгуулалтын нэгж, тэдгээрийн үндсэн үүрэг, чиг үүрэг

Энэ чиглэлийн нэгжүүд нь үйл ажиллагааны стратегийн 3 дугаар зорилтын хүрээнд Монгол Улсаас гадаад орнуудтай хоёр болон олон талын харилцаа, хамтын ажиллагааг хөгжүүлэх бодогч төлөвлөн, хэрэгжилтийг хангах үндсэн чиг үүгийг хэрэгжүүлнэ. Эдгээр нэгжүүд нь Монгол Улсын аюулгүй байдал, үндэсний хөгжилд таатай гадаад орчин бүрдүүлэх эрхэм зорилгыг хэрэгжүүлэхдээ дор дурдсан нийтлэг үйл ажиллагааг эрлэн явуулна:

-тус тусын хариуцсан бүс нутгийг орнуудтай харилцаа, хамтын ажиллагааг идэвхжүүлэх, түншлэлийн түвшинд хүргэ, үг ашгийг нь дээшлүүлэх, олгож буй зээл, тусламжийг хэмжээг бууруулахгүй байх арга зам хайх;

-улс төр, соёл, боловсрол, шинжлэх ухаан эрүүл мэнд, батлан хамгаалахын салбарын хайтын ажиллагааны гэрээ, хэлэлцээр, хөтөлбөрүүдийг хэрэгжүүлэхэд оролцох;

-хоёр талын харилцааны асуудлаар Засгийн газрын байр суурийг боловсруулах;

-дипломат төлөөлөгчдийн газруудын үйл ажиллагааг удирдан заавар, чиглэлээр хагаж ажилд нь үнэлэлт, дүгнэлт өгөх;

-дээр дурдсан асуудлуудаар снэл боловсруулж, судалгаа хийх, удирдах дэд байгууллагуудыг мэдээллээр хангах зэрэгчиг үүргийг хэрэгжүүлнэ.

3.2.3. Олон улсын байгууллагатай хамран ажиллах, олон талт хамтын ажиллагааны асуудал эрхэлсэн зохион байгуулалтын нэгж, түүний үндсэн үүрэг, чиг үүрэг

Эдгээр нэгжүүд нь үйл ажиллагааны стратегийн 3 дугаар зорилтын хүрээнд Монгол Улсын аюулгүй байдал, үндэсний хөгжилд олон улсын таатай гадаад орчин бүрдүүлэх зорилгоор Монгол Улсаас Нэгдсэн Үндэстний Байгууллага, түүний системийн болон олон улсын Засгийн газар хоорондын бусад байгууллагуын хүрээнд явуулах бодлого, олон талт дипломат үйл ажиллагааг төлөвлөн, хэрэгжүүлэх үндсэн үүргийг хэрэгжүүлнэ.

Энэ нэгж нь дурдсан нийтлэг үйл ажиллагааг эрхлэн явуулна:

-НҮБ, түүний системийн болон олон улсын бусад байгууллагатай харилцах өдөр тутмын ажлыг гүйцэтгэж, тэдгээрийн өмнө манай улсын хүлээсэн үүргийг биелүүлэх;

-олон улсын байгууллагуудтай хамтран ажиллах чигийг тодорхойлж, хамтын ажиллагааг өргөжүүлэн хөгжүүлэх, үр өгөөжийг нь дээшлүүлэх;

-олон улсын байгууллагуудаас авч буй тусламжийн хэмжээг бууруулахгүй байх, тусламжийн шинэ эх үүсвэр олох;

-олон улсын байгууллагуудын үйл ажиллагаанд идэвхтэй оролцож, тэдгээрийн шугамаар зохиогдож буй хурал, чуулганд төлөөлөгчид оролцуулах, баримтлах удирдамж боловсруулах, байр сууриа илэрхийлэх;

-мянганы хөгжлийн зорилтуудыг хэрэгжүүлэх, ядуурлыг бууруулах, олон улсын терроризмтой тэмцэх үйл ажиллагаанд дэмжлэг үзүүлэх ажиллагааг зохицуулах;

-олон улсын байгууллагуудаас баталж гаргасан олон улсын гэрээ, конвенцид нэгдэн орох асуудлыг судалж санал боловсруулах, нэгдэж орсон гэрээ, конвенцийн биелэлтийн тухай илтгэл, мэдээлэл нэгтгэн боловсруулж гаргах;

-НҮБ, түүний системийн байгууллагуудын дэргэд суугаа Байнгын төлөөлөгчийн газруудын ажлыг уригдах зэрэг чиг үүргийг хэрэгжүүлнэ.

3.2.4. Гэрээ, эрх зүйн асуудал эрхэлсэн зохион байгуулалтын нэгж, түүний үндсэн үүрэг, чиг үүрэг

Нэгж нь үйл ажиллагааны стратегийн 3 дугаар зорилтын хүрээнд гадаад харилцааг олон улсын эрх зүйн зарчмын дагуу хэрэгжүүлэхэд мэргэжлийн туслалцаа үзүүлэх, хоёр болон олон талт гэрээ, хэлэлцээр байгуулах, улсын хилийн эрх зүйн зохицуулалтыг хангах үндсэн үүргийг хэрэгжүүлнэ.

Энэ нэгжийн үйл ажиллагаа Монгол Улсын олон улсын гэрээ байгуулах ажлыг үндэсний хэмжээнд аргачлал, хяналтаар хангах, хэлэлцээ хийх, ёсчлон бэлтгэх, батлуулах, архивт оруулах, үндэсний хууль тогтоомж болон олон улсын гэрээний эрх зүйн уялдааг хангах, орчуулга хийлгэх, олон улсын гэрээний бүртгэл судалгааг хөтлөх, хэвлэн нийтлүүлэх, биелэлтэд нь хяналт тавих, байгууллагуудад хүсэлтийн нь дагуу олон улсын эрх зүйн зөвлөлгөө өгөх, мэдээллээр хангахад чиглэгдэнэ.

Хоёр хөрш оронтой хилийн салбарт харилцах, түүний эрх зүйн орчинг боловсронгуй болгох, Монгол-Орос, Монгол-Хятадын хилийн харилцааны гэрээ, хэлэлцээр, протоколын биелэлтийг хангуулах, хил орчмын тулгамдсан асуудлуудыг эрх зүйн хүрээнд зохицуулах, хилийн бүс нутаг дахь аж ахуйн байгууллагуудын үйл ажиллагаанд зохицуулалт хийх, хөрш орнуудын хилийн салбарт дахь бодлогын судалгаа явуулах, эдийн засгийн онцгой бүсийн харилцааны эрх зүйн орчинг бүрдүүлэх, улсын хил шалгалтын ажилд дэмжлэг үзүүлэх чиг үүргийг хэрэгжүүлнэ.

3.2.5. Консулын бодлого, үйлчилгээний зохион байгуулалтын бүтцийн нэгж, түүний үндсэн үүрэг, чиг үүрэг

Консулын бодлого, үйлчилгээний нэгж нь үйл ажиллагааны стратегийн 3 дугаар зорилтын хүрээнд Монгол Улсын консулын бодлогыг төлөвлөн хэрэгжүүлэх, консулын харилцааг эрхлэн гүйцэтгэх үндсэн чиг үүрэгтэй.

Энэ нэгж нь өөрийн улсын иргэд, байгууллагын хууль ёсны эрх, бизнесийн ашиг сонирхлыг хилийн чанадад хамгаалах, хүсэлт, гомдлыг нь барагдуулах, хилийн чанадад зорчиж буй монгол иргэдийн бүртгэл, судалгаа хийх, гадаадын иргэдийн асуудлыг Монгол Улсын нутаг дэвсгэрт зохицуулах, консулын асуудлаар байгуулагдсан гэрээ, хэлэлцээр, протоколын хэрэгжилтийг зохион байгуулах, хяналт тавих, иргэд хилийн чанадад зорчих нөхцөлийг хөнгөвчлөх, паспорт, виз олгох, гадаадын иргэдэд консулын үйлчилгээ үзүүлэх, нотариатын үйл ажиллагаа явуулах, хилээр зорчиж буй иргэдийн бүртгэл тооцоог нэгтгэх, судалгаа хийх, консулын тайлан гаргах, өөрийн улсын Ерөнхий консулын газар болон Өргөмжит консулуудыг удирдлага, заавраар хангах зэрэг чиг үүргийг хэрэгжүүлнэ.

3.2.6. Төрийн захиргаа, удирдлагын асуудал эрхэлсэн зохион байгуулалтын бүтцийн нэгжүүд, тэдгээрийн үндсэн үүрэг, чиг үүрэг

Энэ нэгж нь үйл ажиллагааны стратегийн 2 дугаар зорилтын хүрээнд төрийн захиргаа болон хүний нөөцийн удирдлагаар хангах, яамны үйл

ажиллагаанд удирдлагын тэргүүний туршлага, шинэлэг арга зүйг нэвтрүүлэх, хүний нөөцийн удирдлага, зохицуулалтын асуудлыг шийдвэрлэх, үр дүнгийн гэрээ байгуулах, мэдээ тайланг гаргуулах, хариуцлага тооцох, шагнаж урамшуулах тогтолцоог оновчтой бүрдүүлэх, нийт үйл ажиллагааг нэгдсэн зохицуулалт, үйлчилгээгээр хангах зэрэг үндсэн үүрэг хэрэгжүүлнэ.

Энэ нэгж нь харьяандаа хүний нөөцийн, мэдээллийн сүлжээний нэгжтэй байх бөгөөд яамны удирдлагын үйл ажиллагааг дэмжих, мэргэшсэн, чадварлаг боловсон хүчнээр хангах, хууль тогтоомж, дээд байгууллага, яамны удирдлагын шийдвэрийн хэрэгжилтийг хангах, төрийн нууцын хадгалалт, хамгаалалтыг сайжруулах, хөдөлмөрийн сахилга бат, дотоод дэг журмыг чанд мөрдүүлэх, дотоодын хяналт шалгалтыг сайжруулах, дипломат шуудан, холбоо, бичиг хэрэг, компьютер, дотоод сүлжээний үйлчилгээг эрхлэх, иргэдийн өргөдөл, гомдлыг барагдуулах, төсөв, санхүү, аж ахуйн асуудлыг зохицуулах зэрэг нийтлэг чиг үүргийг хэрэгжүүлнэ.

3.2.7. Дипломат ёслолын бодлого, үйлчилгээ эрхэлсэн зохион байгуулалтын нэгж, түүний үндсэн үүрэг, чиг үүрэг

Энэ нэгж нь үйл ажиллагааны стратегийн 3 дугаар зорилтын хүрээнд Монгол Улсын дипломат ёслолын бодлого боловсруулах, түүний хэрэгжилтийг улсын хэмжээнд нэгдсэн зохион байгуулалтаар зохицуулж, хангах үндсэн үүргийг хэрэгжүүлнэ.

Монгол Улсын Ерөнхийлөгч, Улсын Их Хурлын дарга, Ерөнхий сайд, Гадаад хэргийн сайд нарын гадаад оронд хийх албан ёсны айлчлал болон

гадаадын дээд, өндөр хэмжээний зочин төлөөлөгчдийн айлчлалын бэлтгэлийг хангах, гадаадын дипломат төлөөлөгчдийн газрын тэргүүн нар Монгол Улсын Ерөнхийлөгчид Итгэмжлэх жуух бичгээ барих, гадаадын зочин төлөөлөгчид төр, засгийн удирдагч нарт бараалхах, Улаанбаатар дахь дипломат төлөөлөгчдийн газруудын эрх ямба, халдашгүй дархан эрхтэй холбогдсон асуудал, дипломат корпусыг баяр ёслолын арга хэмжээнд урьж оролцуулах зэрэг төрийн дипломат ёслолтой холбогдсон чиг үүргийг хэрэгжүүлнэ.

3.2.8. Гадаад хэргийн архивын бодлого, үйлчилгээ эрхэлсэн зохион байгуулалтын нэгж, түүний үндсэн үүрэг, чиг үүрэг

Энэ нэгж нь үйл ажиллагааны стратегийн 2 дугаар зорилтын хүрээнд Монгол Улсын гадаад хэргийн төв архивын бодлого боловсруулах, түүний хэрэгжилтийг хангах, байгууллага, ард иргэдэд архивын хүртээмжтэй үйлчилгээ үзүүлэх үндсэн үүргийг хэрэгжүүлнэ.

Тус нэгж нь Монгол Улсын гадаад харилцаатай холбоотой болон тус яамны үйл ажиллагааны явцад үүсч бүрдсэн баримт бичгүүдийг хууль тогтоомжийн дагуу төвлөрүүлэн хадгалах, түүх, улс төр, эдийн засаг, эрдэм шинжилгээний ач холбогдолтой материалуудыг цуглуулах, сан хөмрөгийг бүрдүүлэх, баяжуулах, хосгүй үнэт баримт бичгүүдийг сэлбэн засах, нөхөн сэргээх, тоо бүртгэл хөтлөх, эрдэм шинжилгээ, мэдээллийн лавлагааны сан үүсгэх, байгууллага, иргэдэд архивын үйлчилгээ үзүүлэх зэрэг чиг үүргийг хэрэгжүүлнэ.

МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 12 дугаар сарын 29—ний өдөр

Дугаар 249

Улаанбаатар хот

Засгийн газрын агентлаг байгуулах тухай

Засгийн газрын агентлагийн эрх зүйн байдлын тухай хуулийн 5.1, 6.3, "Төрийн захиргааны байгууллагын тогтолцоо, бүтцийн ерөнхий бүдүүвчийг батлах тухай" Улсын Их Хурлын 2004 оны 14 дүгээр тогтоолыг үндэслэн Монгол Улсын Засгийн газраас ТОГТООХ нь:

Засгийн газрын хэрэгжүүлэгч агентлаг-Ашигт малтмалын хэрэг эрхлэх газар, Газрын тосны хэрэг эрхлэх газрыг нэгтгэн Үйлдвэр, худалдааны сайдын эрхлэх асуудлын хүрээнд Засгийн газрын

хэрэгжүүлэгч агентлаг-Ашигт малтмал, газрын тосны хэрэг эрхлэх газрыг байгуулсугай.

МОНГОЛ УЛСЫН
ЕРӨНХИЙ САЙД

Ц.ЭЛБЭГДОРЖ

ҮЙЛДВЭР, ХУДАЛДААНЫ
САЙД

С.БАТБОЛД

МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 12 дугаар сарын 29-ний өдөр

Дугаар 250

Улаанбаатар хот

Тогтоол хүчингүй болгох тухай

Монгол Улсын Засгийн газраас ТОГТООХ нь:

Яамдын бүтцийг шинэчлэн баталсантай холбогдуулан "Яамдын орон тоо, цалингийн санг батлах тухай" Засгийн газрын 1996 оны 8 дугаар сарын 29-ний өдрийн 219 дүгээр тогтоол, "Эрүүл мэнд, нийгмийн хамгааллын яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийг зөвшөөрөх, тус яамны бүтцийг батлах тухай" Засгийн газрын 1999 оны 10 дугаар сарын 27-ны өдрийн 174 дүгээр тогтоол, "Гадаад харилцааны яамны үйл ажиллагааны стратеги, бүтцийн өөрчлөлтийн хөтөлбөрийг зөвшөөрөх, тус яамны бүтцийг батлах тухай" Засгийн газрын 1998 оны 9 дүгээр сарын 16-ны өдрийн 175 дугаар тогтоол, "Гэгээрлийн яамны бүтцийг батлах тухай" Засгийн газрын 1999 оны 11 дүгээр сарын 3-ны өдрийн 178 дугаар тогтоол, "Батлан хамгаалах яамны үйл ажиллагааны стратеги, зохион байгуулалтын бүтцийн өөрчлөлтийн тухай" Засгийн газрын 2000 оны 10 дугаар сарын 25-ны өдрийн 164 дүгээр тогтоол, "Эрүүл мэндийн яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийг зөвшөөрөх тухай" Засгийн газрын 2001 оны 1 дүгээр сарын 10-ны өдрийн 2 дугаар тогтоол, "Хүнс, хөдөө аж ахуйн яамны үйл ажиллагааны стратеги, бүтцийн өөрчлөлтийн хөтөлбөрийг зөвшөөрөх тухай" Засгийн газрын 2001 оны 1 дүгээр сарын 17-ны өдрийн 6 дугаар тогтоол, "Нийгмийн хамгаалал, хөдөлмөрийн яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийг зөвшөөрөх тухай" Засгийн газрын 2001 оны 1 дүгээр сарын 17-ны өдрийн 7

дугаар тогтоол, "Үйлдвэр, худалдааны яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийг зөвшөөрөх тухай" Засгийн газрын 2001 оны 2 дугаар сарын 11-ний өдрийн 27 дугаар тогтоол, "Байгаль орчны яамны үйл ажиллагааны стратеги, бүтцийн өөрчлөлтийн хөтөлбөрийг зөвшөөрөх тухай" Засгийн газрын 2001 оны 2 дугаар сарын 11-ний өдрийн 29 дүгээр тогтоол, "Хууль зүй, дотоод хэргийн яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийг зөвшөөрөх тухай" Засгийн газрын 2001 оны 3 дугаар сарын 14-ний өдрийн 51 дүгээр тогтоол, "Боловсрол, соёл, шинжлэх ухааны яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийг зөвшөөрөх тухай" Засгийн газрын 2001 оны 3 дугаар сарын 28-ны өдрийн 62 дугаар тогтоол, "Яамдын зохион байгуулалтын бүтцийг шинэчлэн батлах тухай" Засгийн газрын 2003 оны 2 дугаар сарын 19-ний өдрийн 43 дугаар тогтоолыг тус тус хүчингүй болсонд тооцсугай.

 МОНГОЛ УЛСЫН
 ЕРӨНХИЙ САЙД

Ц.ЭЛБЭГДОРЖ

 МОНГОЛ УЛСЫН САЙД,
 ЗАСГИЙН ГАЗРЫН ХЭРЭГ
 ЭРХЛЭХ ГАЗРЫН
 ДАРГА

С.БАЯРЦОГТ

 Монгол Улсын Их Хурлын Тамгын газраас гаргав.
 "Төрийн Мэдээлэл" эмхтгэлийн зөвлөл

 Улаанбаатар- 12,
 Төрийн ордон
 ☎ 329612

Индекс 14003

 Монгол Улсын Их Хурлын Тамгын газрын
 Хэвлэх хэсэгт хэвлэв.

☎ 329487

Хэвлэлийн хуудас 1.5